

# KOMINIKE – Odbor donatora za deminiranje u Bosni i Hercegovini

Odbor donatora za deminiranje u Bosni i Hercegovini je održao sastanak u Sarajevu 11. decembra 2001. godine. Odbor je pozdravio nove ambasadore iz Velike Britanije, NJ.E. Iana Clifffa, Sjedinjenih Američkih Država, NJ.E. Clifforda Bonda, Švedske NJ.E. Andersa Mollandera i Italije NJ.E. Saba d'Elia koji su prvi put prisustvovali ovom sastanku.

Zamjenik ministra civilnih poslova i komunikacija, gospodin Lović Milan, obratio se Odboru i naglasio politički značaj koji Vlada BiH pridaje deminiranju. Govorio je o planovima za izradu dugoročne strategije za deminiranje i značaju deminiranja u vezi sa konkurisanjem BiH za Zimsku olimpijadu 2010. godine. Zamjenik ministra je u glavnim crtama govorio o budžetima države i entiteta za narednu godinu koji će biti znatno uvećani u odnosu na prethodne godine.

Komisija za deminiranje za BiH je opisala napredak u nekim pitanjima koja su od ključnog značaja u oblasti deminiranju. Odbor je sa zadovoljstvom konstatirao napredak postignut u radu na Zakonu o deminiranju u okviru procedure državnog Parlamenta kao i značaj istog za prestruktuiranje procesa deminiranja i uklanjanja mina u BiH.

Odbor donatora je dobio Plan aktivnosti Centra za uklanjanje mina BiH za 2002. godinu u kojem su ukratko izneseni planovi istog za narednu godinu kao i izvještaj o stanju u oblasti uklanjanja mina u 2001. godini. Članovi odbora su sa

zadovoljstvom konstatirali da je u planu predviđen znatno veći učinak u odnosu na 2001. godinu.

U okviru diskusije o različitim pitanjima, međunarodni članovi Odbora donatora su istakli potrebu da se poboljša opća informiranost o značaju deminiranja za razvoj BiH kao države kao i za ekonomski razvoj zemlje.

Dogovoreno je da se naredni sastanak održi negdje u prvom kvartalu 2002. godine kada će mu se obratiti i tročlano Predsjedništvo. Odbor također s radošću očekuje nove informacije o napretku u izradi dugoročne strategije za deminiranje u BiH.

Martyn Gardinier, Vicemaršal vazduhoplovstva, Savjetnik Visokog predstavnika za vojna pitanja, Kopredsjedavajući Odbora donatora

Henrik Kolstrup, Rezidentni predstavnik, Program za razvoj Ujedinjenih naroda, Kopredsjedavajući Odbora donatora